

Headline	RM3.4 juta buat 7,000 bakal jemaah		
MediaTitle	SelangorKini		
Date	10 Jul 2019	Color	Full Color
Section	News	Circulation	250,000
Page No	21	Readership	750,000
Language	Malay	ArticleSize	341 cm ²
Journalist	NADIAH ZAMLUIS	AdValue	RM 3,358
Frequency	Weekly	PR Value	RM 10,073



Insentif Haji Muassasah Selangor 2019

RM3.4 juta buat 7,000 bakal jemaah

OLEH NADIAH ZAMLUIS

BATU CAVES - Sejumlah RM3.4 juta diperuntuk buat 7,000 bakal jemaah haji dari negeri itu melalui Insentif Haji Muassasah Selangor 2019.

Dato' Menteri Besar, Amirudin Shari berkata, pemberian insentif itu bagi memberi sokongan kepada bakal jemaah yang akan menunaikan ibadah haji tidak lama lagi.

"Ini adalah program kali keempat yang dijalankan Kerajaan Selangor dan ia khas kepada jemaah yang menerima subsidi terus daripada Tabung Haji.

"Selain wang tunai sebanyak RM500 setiap seorang, kita juga berikan sedikit keperluan barang yang boleh digunakan jemaah untuk mereka gunakan sepanjang berada di tanah suci nanti," katanya.

Beliau berkata demikian kepada media selepas Majlis Penyampaian Insentif Haji Muassasah Selangor Pemerbadanan Menteri Besar (MBI) 2019 bagi Dewan Undangan Negeri Gombak di Masjid Al Amaniah, di sini, baru-baru ini.

Hadir sama Ahli Dewan Negeri Gombak Setia, Hilman Idham dan Ketua Pegawai Operasi MBI, Soffan Affendi Aminudin serta 600 jemaah haji.

Mengulas lanjut, Amirudin berkata, beliau mahu semua bakal jemaah haji menjaga nama baik diri dan Selangor.

"Ikut nasihat mutawif dan semua pem-



bimbing yang dilantik di sana. Jangan lupa apabila tiba di tanah suci nanti sentiasalah mengamalkan sikap berkongsi.

"Apabila ke sana juga sentiasa cuba mengambil ikhtibar dan semoga ianya akan membolehkan kita menjadi insan yang lebih baik," katanya.